

ՔԴՕ 108-րդ հոդվածի համաձայն. «1. Դատական ծախսերի հետ կապված պահանջները ներկայացվում են բացառապես տվյալ գործի շրջանակներում:

2. Գործին մասնակցող անձանց կրած, ինչպես նաև վճարման ենթակա դատական ծախսերի փոխհատուցման հարցը լուծելիս դատարանը հիմք է ընդունում միայն գործում առկա փաստաթղթերով հիմնավորված ծախսերը:»:

ՔԴՕ 109-րդ հոդվածի 1-ին մասի համաձայն՝ դատական ծախսերը գործին մասնակցող անձանց միջև բաշխվում են բավարարված հայցապահանջների չափին համամասնորեն:

Անդրադառնալով սույն գործով հատուցման ենթակա դատական ծախսերին, Դատարանն արձանագրում է, որ հայցի բավարարմամբ պայմանավորված դատական ծախսերը պետք է կրի պատասխանող կողմը, մասնավորապես՝ պատասխանողից հոգուտ հայցվորի ենթակա է բռնագանձման 100000 ՀՀ դրամ նախապես վճարված պետական տուրքի գումարը:

Ելնելով վերոգրյալից և ղեկավարվելով ՀՀ քաղաքացիական դատավարության օրենսգրքի 188-189-րդ, 191-192-րդ, 198-րդ, 234.12-րդ հոդվածներով՝

ՎՃՌԵՑ

1. Հայցը բավարարել՝ Անվավեր ճանաչել Երևանի քաղաքապետարանի թիվ ԵՔ-ԲՄԽԱՇՁԲ-26/1 ծածկագրով գնման ընթացակարգի գնահատող հանձնաժողովի՝ 11.11.2025 թվականի նիստի թիվ 4 արձանագրությամբ հավաստվող որոշումը, որպես հետևանք՝ անվավեր ճանաչել թիվ ԵՔ-ԲՄԽԱՇՁԲ-26/1 ծածկագրով գնման ընթացակարգի գնահատող հանձնաժողովի՝ 19.11.2025 թվականի նիստի թիվ 5 արձանագրությամբ հավաստվող ««Ի ՍԻ ԷՆԵՐՋԻ» ՍՊ «ԷԿՐԱ ԿՈՎԿԱՍ» ՍՊ, ՄԱՅՐՈՒՂԻ Ս» ՍՊ և «Ճոնսոն Կոնյոու» ճոպանուղային ինժեներական տեխնոլոգիաների ՍՊ (Beijing Zumsun Ropeway Engineering Technology Co., Ltd.) ընկերությունների կոնսորցիումի կողմից ներկայացված հայտն անբավարար գնահատելու և մերժելու մասին» որոշումը, թիվ ԵՔ-ԲՄԽԱՇՁԲ-26/1 ծածկագրով գնման ընթացակարգը չկայացած հայտարարելու մասին հայտարարությունը և պարտավորեցնել թիվ ԵՔ-ԲՄԽԱՇՁԲ-26/1 ծածկագրով գնման ընթացակարգում «Ի ՍԻ ԷՆԵՐՋԻ» ՍՊ «ԷԿՐԱ ԿՈՎԿԱՍ» ՍՊ, ՄԱՅՐՈՒՂԻ Ս» ՍՊ և «Ճոնսոն Կոնյոու» ճոպանուղային ինժեներական տեխնոլոգիաների ՍՊ (Beijing Zumsun Ropeway Engineering Technology Co., Ltd.) ընկերությունների կոնսորցիումի կողմից ներկայացված հայտը գնահատել բավարար:

2. Պատասխանող Երևանի քաղաքապետարանօց հոգուտ հայցվոր «Ի ՍԻ

ԷՆԵՐԶԻ» ՍՊԸ-Ի բռնագանձել 100000 (մեկ հարյուր հազար) ՀՀ դրամ նախապես վճարված պետական տուրքի գումար: Դատական ծախսերի հարցը համարել լուծված:

3. Վճիռը կամովին չկատարելու դեպքում կկատարվի Հարկադիր կատարումն ապահովող ծառայության կողմից՝ Պարտապանի հաշվին:

4. Վճիռն օրինական ուժի մեջ է մտնում հրապարակման պահից և կարող է բողոքարկվել ՀՀ վերաքննիչ քաղաքացիական դատարան՝ հրապարակվելու օրվանից մեկամսյա ժամկետում:

Դատավոր՝ **Դանիել Մխեյան**



Սույն փաստաթղթի իսկությունը հնարավոր է ստուգել <https://verify.e-gov.am> կայքում մուտքագրելով IE56-F05C-49E2-9DDD հսկիչ համարը կամ սքանավորելով QR կոդը:

Տվյալ ֆայլերին կարող եք ծանոթանալ նաև մուտք գործելով "Էլեկտրոնային դատավարություն" համակարգ՝ cabinet.armlex.am